



126



SANCTI
PER FIDEM VICERVNT
REGNA.

ECCLESIAE
ANGLICANAE
TROPHAEA

Siue

Sanctorum Martyrum, qui pro CHRISTO
Catholicaeque fidei Veritate asserenda,
antiquo recentiorique Persecutionum
tempore, mortem in Anglia subierunt,

PASSIONES

Romae in Collegio Anglico per
Nicolaum Circinianum depictae;
nuper autem

Per Io. Bap. de Cauallerijs
aeneis typis representatae.

Cum Priuilegio Gregorij
XIII. P. M.

R. Dño Thomae Tretero Canonico S. Mariae
Transtyberim in Vrbe, et Ser. Regis Poloniae Secretario
Dño suo Colendiss. Dicaui. Anno Dñi. M. D. LXXXIII.

Ioannes Orlandi formis romae.

APPREHENSIONES CATHOLICORVM.



A. Sacerdotes clàm in ædibus priuatis sacra administrantes, sæpe ab Hæreticorum exploratoribus pecunia conductis proditi, sæpe à carnificibus uirum irruptentibus comprehensi, ab altari-
 B. auelluntur. Illustres et Catholicæ heroyne indignè et contumeliosissimè è domibus suis extractæ in carceres abripiuntur, eo quòd sacerdotes uel ope auxiliòque suo iuuerint, uel Missis eorum interfuerint.

C. Sacerdotes item, alij in ornatu sacro per publicas plateas omnibus opprobrijs et contumelijs uexati: alij, unàque uiri nobiles equis impositi, colligatis pedibus, ad carceres deferuntur.
 E Sacerdos dum Missam celebrat captus, ut erat sacratis uestibus indutus equo imponitur, et meridiana luce multis cum funalibus ad ergastulium ductus, in uincula conijcitur.

En (lector) regni facies miseranda Britanni.
 Terra antiqua, potens opibus, foecunda metalis,
 Clara armis et Marte, at multò clarior olim
 Insigni bonitate hominum, cultuque Sacrorum,
 Quæ plures sub coelo habuit provincia nulla,
 Pontificum egregias Sedes, Tumulosq; minasq;
 Templorum ingentes, sacra uasa, altaria, patrum
 Quæ ueterum pietas in Christi extruxit honore
 Hæc nuper speciosa et florentissima terra
 Aspice ut horribiles Sacrorum passa ruinas

Est in monstrosam nunc deformata figuram.
 Namque Dei summi hæc sacra uasa, altaria, tēpla,
 Sacrilegè euertit partim, partimque profanat,
 Presbyteros, Laicos, et cum mulieribus, ipsos
 Persequitur pueros, detestandimque professa
 Dogma, fidem Christi pedetentim exterminat omnem
 Prima mali tanti radix, affligere sanctos
 Presbyteros: caput hoc. Noua mox spectacula cernes
 Dura magis, quæ tu studiosius omnia lector
 Aduerte, atque animum pictura pascere fideles.

NOCTURNÆ PER DOMOS INQUISITIONES.



A. Intempesta nocte, lictores Catholicorū domos
perrumpunt.

B. Viros, Foeminas, Pucros, è lectis fugant.

C. Effringunt armaria, cistas, capsulas: nec so-

D. lum in calices, libros, cruces, et si quid inueniunt
rei Ecclesiasticæ, rapaciter inuolāt, uerum

etiam aurum, argentū, pecuniam omnem
obiter inuentam, tanquam publici quidam
latrones, prædantur et auferunt.

E. Ianuæ domorum per uim effractæ.

F. Domini et domestici in carceres abducti.

Quæ modò sacrilegè patrata notauimus, illa,
Luce palam, et medio fiunt inmania sole.
Nunc tenebrarū ædus, nocturnæque furta sequuntur.
Nam dum per latas animantia cælera terras
Nocte intempesta placido correpta sopore
Membra ministerijs recreant lassata diurnis,
Tum uerò in primis spolijs intenta futuris
Excubat, et prædas animo designat auaro
Carnificum scelerata cohors: tum tecta piorum
Aggreditur, quæ mox nisi sponte ultroque patebant,

Fit uia ui, rumpitque oclusas machina portas,
Ut quondam hostiles Aries balistæque muros.
Nec mora, peruadunt secreta cubilia, cunctas
Excutiunt latebras, cistas, capsasque refringunt,
Diripiuntque sacras uestes, calicesque, crucesque.
Et simul occurrens signata pecunia, uel non
Signata, armillæ, pretiosa monilia, torques,
Ut sacra, pròque sacris, iure eripiuntur eodem.
Denique ad extremum (Sis ò mirabile) falsi
Coniiciunt ueros dominos in uincula fures.

TORMENTA IN CARCERIBVS INFLICTA



A. Tenuēs et acuminati styli acicularum instar, sacerdotibus sub extremos digitorum unguēs insiguntur.

B. Nortonus archicarnifex cum suis satellitibus, auctoritatem suam in Catholicis laniandis immaniter

C. exercet. Machina quædam lignea funium nervorumque adminiculo, impositos sacerdotes et illigatos, ita per singula corporis mēbra atque articulos in immensum torquet et distendit, ut sæpe præ doloris magnitudine iam nunc expiraturi uideantur. Hoc crudelissimo tormento maiores nostri ad hanc

usque ætatem contra nullum perditissimorum hominum genus tam crebrò usi sunt, quàm hodierno die aduersarij contra probos et inculpatae uitæ Catholicos. Catholici è carceribus, ui et armata manu pertrahuntur ad audiendas hereticorum conciones.

E. Instrumēto quodā ferreo constricta Catholicorum corpora in girum quodammodo et circulum coguntur, et ad certas horas in eo cruciati relinquuntur.

F. Sacerdos in cippis, aliquot dies noctisque pedibus suspenditur, usque eò, donec suorum excrementorum fœtore pœnè exanimaretur.

Sed grauiora hæc ualeant, quoniam ad grauiora uocamur.

Namque ò religiose olim generose, fidelis,

Impie nunc, fideique expert, et degener Angles,

Quæ rupes Scythiæ, uel monstrorum Africa mater,

Diræue Tysiphonæ Stygijs emissa cauernis

Hos tibi Nortonos peperit, similesque Procuras,

Vel potius rabidas hominum sub imagine tigres.

Qui sic effuso lætantur sanguine, qui sic

Presbyteros, laicosque excarnificando triumphant

Obque fidem insigunt tormenta teterrima solam.

Illam dico fidem, quam patres semper auidique

Nosti ab Apostolico tenuisse fideliter æuo.

Multi horum in cippis, manibus pedibusque tenentur

Inclusi, caucis multi stringuntur in arctum

Attractique alijs distendunt corpora funes.

Mitto famem, frigus, loca subterranea, limbos,

Punctaque acuminibus digitorum extrema. nefanda hæc

Impediunt (iquidem lachrymæ narrare uolentem.

Tu Christe omnipotens tantum moderare furorem,

Corda tuis nostrisque inimicis mollia fingens. 3



- A. Tribunalia Iudicum, qui contra Catholicos ob fidem et conscientiam, mortis uel alterius supplicij sententiam ferunt.
- B. Viri nobiles foeminaeque, ob fidei et religionis Catholicae professionem, una cum latronibus et homicidis ad tribunalia Iudicum sistuntur.
- C. Sacerdotibus, alijsque Catholicis, ferro ignito aures perforantur.
- D. Aliorum capita numellis inseruntur, simulque aures ad tabulata clavis affiguntur.
- E. Alij ad carros alligantur, et per plateas urbis flagellis conciduntur.

Iamque relinquentes ergastula clausa, deinceps
 Ducimur ad fora iudiciorum publica: iniquis
 Ter quater, et nimium iniustis ubi legibus, una
 Improbi, itemque boni, sancti, pariterque scelesti
 Quique peremerunt multorum corpora ferro,
 Et qui seruarunt animas et corpora Verbo,
 Hoc est, Christus ubi et latro seditiosus, ut olim
 Sistuntur Iuda duce Caesaris ante tribunal.
 Forte aliquis leuiter Missae sacrum extulit, alter
 Dicto aliquo fauit Romanae Sedis honori,

Presbyterosue necem pro Christi nomine passos
 Obiecta immunes a proditione putauit:
 Liber abit nemo. Huic ignito conspicis aures
 Perfossas ferro, alterius per compita tracti
 Libera seruii caeduntur terga flagello.
 Tertius imposita strictis ceruice numellis
 Stat pleno spectante foro (miserabile uisu)
 Stantque simul terebratae et confixae postibus aures.
 Sicin Catholicos Gothi olim, Vandali, Alani,
 Arriana truci grassata est secta furore.

CRVDELITAS IN CATHOLICIS MACTANDIS



A. Catholici cratibus impositi, uarijsque Ministrorū opprobrijs et blasphemijs exagitati, per plateas foedas et lutulentas ad locum supplicij pertrahuntur.
 B. Posteaquā eō sunt perducti, et in plaustrum sublati, praelegitur fere mendacissimus aliquis libellus, qui odium populi in eos comoueat. Deinde impediti per Ministros, ne innocentiam suam tucantur, aut profiteantur fidem, in medio deuotissimorum orationum abacto plaustro, ad modicum tēporis suspenduntur.

Ecce huius tragicæ postremus imaginis actus,
 Actus terribilis, funestus, lætifer, ignes,
 Herculis Oetæi superans et tela Furentis.
 Si namque historias perlustres ordine nostras,
 Prima Euangelij repetens ab origine, uel si
 Turcarum, Persarū, Arabum, monumentaque Afrorum
 Perlegis, et quotquot Mahometis lege reguntur,
 Pestiferum infidi Mahometis dogma professos
 Inuenies nullis aliquando annalibus, ista
 Catholicorum hominum rabie fuisse cruorem.

C. Mox resecto fune, sæpenumero sensibus sanis et integris, demittuntur, subitoque expoliantur uestibus, et ad ignem ibi paratum deportantur, ubi carnifex uerenda abscondit, et in ignem proijcit: tum aperies uentrem euellit ilia, quæ similiter flammis tradit, et denique amputato capite, corpus in quatuor partes dissecat. Eorū capita et mēbra lebetibus excepta, coquuntur et elixantur.

D. Capita contūs infixā, cōmuniter ad Pontē Lodinēscē eriguntur, et mēbra per reliquas portas eiusdem ciuitatis distribuntur.

Reginæ in sacris ius pontificale negasti.
 Ecce trahæ, laqueique et post suspendia rursus
 Viuo absissa uerenda, et flammis tradita, necnon
 Ilia, cor pulmo, tum secta elixaque membra
 Figunt pascentis portarum ad culmina coruis.
 Tam foeda moniti laniena et carnificina.
 O populi quicumque Europæ regna tenetis,
 Hispani, Germani, Itali, Gallique, Polonique,
 Et Sueui, et Dani, uestris longissimè ab oris
 Hanc Caluinismi sceleratam auertite pestem.

Ica. Baptista de Cauallerijs incidebat Romæ Anno Domini. 1584.



Cum Anglis toto terrarum orbe unicum templum Catholicum relictum sit, idq; Romæ
 S^me Trinitati Sacrum, cuius in Summa ara hæc tabula conspicitur; meritò in illo
 suorum cum priscæ, tum huius ætatis martyrum certamina exprimi curarunt: ut
 alios ad laudes, precesq; se uerò etiam ad parem animi constantiam, maiorum et
 sociorum exemplis, excitarent.

100-100
100-100
100-100



- A . S. Petrus Apostolus Angliam ingressus multos ad Christum Conuertit, Templa construit, Sacerdotes & episcopos ordinat.
- B . S. Ioseph. ab Aramathea ut in Anglia cum 12 Socijs habitare possit ab Aruirago Rege impetrat: Vbi plurimos Christo fide & baptismo adiungit.
- C . S. Simon Apostolus in Anglia Euangelium prædicat multos illi credēs baptizat.



A . S^tLucius Angliæ Rex à Fugatio, & Damiano S^t Eleutherij PP. legatis baptizatur, eiusq^{ue} regnū tunc primum publicè fidem Christi recipit.

B . Idem regno composito Euangelium prædicaturus in Germaniam se confert, Vbi post lapidationem, Churicæ Episcopus cum esset, à plebe infideli perimitur.

C . S^tEmerita S^tLucij Soror Tremontij pro Christo igne crematur.



- A. S. Albanus, ponte turba completo, flumen sicco pede tran. it.
- B. Idem capite plectitur, quod complexus miles, cui ossa pro Christo contusa fuerant, sanatur.
- C. Is miles, capite amputato, in sanguine suo baptizatur.
- D. S. Iulius, S. Aaron, alijq complures pro fide obtruncatur.



A . S. Amphibalum, qui S. Albanum baptizarat, dū mille homines Concionantem
audiunt interficiuntur .

B . S. Amphibalus ilia sua palo alligata cultris infixis circumeundo extrahere
Compellitur, tum Saxis percussus animam Deo, cunctis eam
inspectantibus reddidit .

C . Populus tanta martyris constantia ad Christum conuersus trucidatur .

THE UNIVERSITY OF CHICAGO
PRESS



- A Constantinus in Anglia natus ibiq; Imperator creatus, uisa Cruce de cælo
audit In hoc Signo Vincer. et Maxentio superato Romam liberat.
- B Idem a Siluestro PP. baptizatur, et a Lepra Sanatur. tum ecclesiã
templis immunitatibus, et muneribus maximis ornat.




A. S. Helena Coeli Regis Anglice filia, Constantini Imperatoris mater
Hierosolymis Christi Crucem effodi iubet.

B. E tribus inuentis Crucibus, Machario episcopo suadente, quæ
uera Christi sit curationis miraculo dignoscitur.



*S. Ursula Deonoti Cornubiæ in Anglia reguli filia cum undecim
millibus uirginum prope Coloniam Agrippinam ab Hunnis pro
Christi fide et uirginitate seruanda, partim in Rheno mersæ, partim
sagittis confixæ duplices palmas adeptæ sunt.*





- A. S. Gregorius magnus Anglorum Salutis cupidus, cum ad eos missus proficisceretur, Romam reuocatur.
- B. Idem iam Pontifex maximus S. Augustinū Italum cū socijs in Angliā mittit.
- C. S. Augustinus baptizat S. Edilbertum Angliæ prouinciæ Regem.
- D. S. Germanus Episcopus Gallus, hostes ethnicos in Anglia fugat Crucis signo, Litánias et Alleluja cantando.



- A. S. Eduinus Northumbrorum in Anglia primus Rex Christianus, à Penda rege impio in acie occisus miraculis claruit.
- B. S. O. S. Valds eius gentis rex ab eodem in bello necatus multis miraculis Christi martyr est declaratus.
- C. S. O. S. Winus ibidem Rex proclitus lictoribus occurrit, et peremptus miranda edit.



- A. SS. duo Sacerdotes Angli Heualdi nomine, dum Christum Frisonibus
pradicant, alter gladio confoditur, alter inmaniter trucidatur.
- B. S. Chenelmus rex Midel Anglorum puer septemnis, in sylva ab educatore
suo impie occisus, miraculis illustratur.
- C. Duo fratres Arualdi Vectæ Insulæ reguli mox à baptismo decollantur.



- A. Sancti tres nepotes S. Sigfridi *Ep*i Angli in Suetia occisi sunt : eorum capita in paludem demersa, illi noctu per lucem Deus ostendit.
- B. S. Clintancus rex Suthwallorum in Anglia, ex insidijs peremptus, miraculis claruit.
- C. SS. Liuinus *ep*us, Liuina uirgo, Socrates et Stephanus Angli, diuersis temporibus, mortem pro Christo subeunt.



A. S. Georgius Cappadox Dracone occiso, Regis filiam, totamq; Silenam
ciuitatem mortis periculo liberat, et ad Christum conuertit.

B. Idem Veneno hausto, corpore lacero, ignitis calceis indutus, plumboq;
perfusus, capite præciso, inuictus Christi miles coronatur.

Hunc clarissimum martyrem Anglia sibi protectorem elegit, et
maximis beneficijs tum pace tum bello receptis, semper religiosissime
coluit.





- A. S. Wulfstanus duorum regum nepos occiditur super cuius corpus per
30 dies Lux è coelo micuit.
- B. Tres simul comites eius passi sunt.





A. S. Eobanus Traiecti Episcopus martirio coronatur.


B. S. Adelarius Erfordi Episcopus pro fide occiditur
ambo S^{ti} Bonifacij episcopi et martiris socij fuere.



- A. S. Bonifacius Anglus Moguntiae Archiepiscopus in Frisia Christum docens simul cum tribus monachis Anglis interimitur.
- B. S. Ofitha Virgo, et martyr caput abscissum per mille passus gestat.
- C. S. Aethelbertus Etanglorum rex insidijs Vxoris regis offae e cubiculo superiore perforato, et aperto lecto decedit, et a nefarijs hominibus trucidatus Christi martyr efficitur.



- A. S. Ebba Angla regij sanguinis Colinganiensis monasterij abbatissa ne in Danorum infidelium libidinem incurrat, nasum, et superius labrū sibi cultro præscindit. eius exemplum reliquæ Moniales pro casta religione tuenda fortiter sequuntur .
- B. Omnes Monasterio inclusas ignis ab hoste iniectus tanquam immaculatas hostias absumit.
- C. S. Eugulus Episcopus impie occiditur.
- D. S. Licfardus Epūs Roma peregrinus rediens Cameraci martyr efficitur.





- A. S. Edmundus Estanglorum rex ultimus a Danis telis configitur.
- B. Eidem caput præceditur, quod procul abiectum dum a suis quæritur ter respondit Hic.
- C. Eius corpus cum deinde transferretur capiti iunctum reperitur rubra cicatrice uulnus indicante.
- D. S. Humbertus Episcopus Halmensis iuxta regem obtruncatur. 19





- A. S. Sophias ter Hierosolymam, septies Romam religiose peregrinatus,
Beneuenti, ubi epūs erat, dum missam celebrat lancea confoditur.
- B. S. Fremundus regis filius post uitam in eremo factam capite truncatur.
- C. S. Iustinianus monachus caput sibi amputatum tulit, miraculis Meneuiac^{it}larū.
- D. S. Melorus septennis à fratre man^u et pede altero præciso adolescens
capite plexus martyrium subiit.





A. S. Decumanus heremita ob Christi fidem decollatus caput suum ad fontem usque ubi id lauare solitus erat deportat.

B. S. Clarus sacerdos anglus dum Galliam pius peregrinus obit ob castimoniam seruata interfitur.

C. S. Iuthunara uirgo impiè occisa miracula edit.



- A. S. Wenefredæ Virgini ob uirginitatem à Cradoco Alami regis filio in NortWallia caput amputatur, eius capite in Vallem deuoluto fons erupit adhuc miraculis clarus.
- B. Cradocus a Dæmone rapitur.
- C. Eiusdem Virginis capite à S. Benone corpori adiuncto ipsa ad quindecim annos superuixit.



A. S. Edouardus Angliæ rex Alfridæ nouercæ insidijs transfoditur, ac inter martyres colitur, eiusq; reliquiæ magna in ueneratione Glastoniæ habitæ sunt.

B. S. Elphegus Archiepûs Cantuariæ post cædem crudelissimam sui gregis à Danis infidelibus captiuus abducitur, multisque iniurijs affectus securi cerebro impacta martyrij palmam obtinet.



- A. S. Henricus Anglus Upsaliae in Suecia Archiepiscopus, ab Adriano PP. III. Anglo, Noruegiae Apostolo missus, finlandos conuertit; inde Aboe archiepiscopus fidem Christi Sanguine obsignat suo
- B. S. Aeschillus Londae in Suecia Episcopus, natione Anglus, saxis obruitur.
- C. Cantuaria Angliae metropolis, à Danis impijs capta incenditur, magna Christianorum caede in ipso templo Saluatoris nuncupato.





- A. S. Thomas Archiepūs Cantuariensis ab Henrico II. Anglię rege iniquē
damnatus ad Pont. Max. appellat, fugamq; init.
- B. Coram Alexandro III. sumo Pontifice Senone in Gallia causā suā agit.
- C. A regijs satellitibus pro ecclesiastica libertate occiditur anno iiii.
- D. Eius sanguis ac cerebrum in templi angulo proiecta, fontem aquę
pro ducunt; qui semel in lat. quater in cruorem uersus est.



- A. S. Gulielmus puer Nordouici in Anglia eodem mortis genere quo Christus à Iudeis in festo Paschatis ad fidei nostræ contumeliam occiditur.
- B. S. Hugo puer Lincolnæ eodem modo à Iudæis crucifigitur.
- C. S. Thomas monachus Dounæ à Gallis occisus post mortem miraculis coruscat.



A. Ioannes Fischerus, epus Rossensis in Anglia Card. declaratus, uite et doctrine integerr. laude clariss. ab Henr. viij, qd Pont. auctem tueretur capite plectitur.

B. Thomas Morus, eques aur atq, summo regni magistratu perfunct. prudentia, eruditione, mor. innocetia et suauitate insignis, ob eandem causam eiusdem Regis insu securi percutitur.

Ambo Anglicanę reipub. lumina; alter sacri, alter laici ordinis decus.

C. Margarita regię familie femina prudentiss, Comitissa Sarz Card. Poli mır, ob gestatū insigne quinq. plagaz Christi, eadem morte, sub eodem Rege, plexa est.



- A. Proprimatu Sancti Petri, eiusq^{ue} successorum in Sancta Romana ecclesia septem Angli Carthusiani monachi sæuè laniati sunt.
- B. Nguem alij eius ordinis carceris pædore et fame enecti. Cum primis passi sunt Reginaldus ordinis S. Brigittæ, Ioānes Hanlus sacerdos.
- C. Duo alij Carthusiani Eboraci catenis ferreis è sublimi trabe uiui pendent, donec ossibus dissolutis dilabuntur et complures alij alias eam ob rem dilacerantur, Henrico VIII. Angliæ rege iubente Anno M. D. XXXV. 28






- A. Ob fidem sedi Romane seruata Ioannes forestus ordinis S. Francisci de obseruantia sacerdos uenerandus uiuus suspensus, igneq. subiecto cōbustus est, qui accendebatur ligno sacrae Christi statuæ.
- B. Secti sunt in quatuor partes post suspendium spirantes doctor Po Welus, fetherstomus, Abelus sacerdotes docti, Gardinerus quoq. et Larcus Londini: Stoneus item Augustini anus cantuariæ.
- C. tres R^{di} Abbates ordinis S. Benedicti necantur, et aliquot ipsorū Monachi laqueis suffocantur.



- A. Propter sedis Romane et fidei catholicae confessionem, undecim R^mi episcopi catholici ex diuturna carceris molestia contabescens obierunt.
- B. Plumtreus Wodhouin Nelsonus, Majnus, Hansiusque sacerdotes in partes dissecantur.
- C. Storeus I.V. doctor. Feltonus etiam nobilis, et Shir Wodus idem supplicium subeunt. Regina Elizabetha Anglie imperante.
- D. quidam uir illustris capite plexus est.






*Viri plurimi in Anglia pro fide Catholica retinenda hoc qui expressus
est modo eousq³ cruciantur donec uniuersi corporis artus singulatim
luxentur. Sic Edmundus Campianus Societatis Iesu religiosus,
Rodolphus Sheruinus, Alexander Briantus, alijq³ Sacerdotes summi
Pontificis Alumni acerbissimè torti fuere Anno Dñi 1582. et 1583.*



Qui Summi Pontificis primatum Reginae in Anglia negant tribui posse, tanquam Læse Maiestatis rei damnantur, et ad supplicij locum, Cratibus impositi, ministris interim hæreticis ad fidem Catholicam deserendam adhortantibus, per mediam Urbem ignominiosè raptantur. Sic Edmundus Campianus cum socijs, alijsque Catholicis tum Sacerdotes tum laici ad mortem tracti sunt. Anno Domini 1581. 1582. 1583.



- A. Edmundus Campianus Societatis Iesu sub patibulo concionatur, statimq;
cum Alexandro Brianto Rhemensis, et Rodulpho Sheruino huius Collegij
alumno suspenditur.
- B. Illis adhuc tepentibus cor et uiscera extrahuntur, et in ignem projiciuntur.
- C. Eorundem membra feruenti aqua elixantur, tum adurbis turres et portas
appenduntur, regnante Elizabetha Anno M.D.LXXXI. die prima Decēbris.
Horum constanti morte aliquot hominum millia ad Romanam Ecclesiam
conuersa sunt.





- A. Ob fidem Catholicam in Angliā multi carceres cuiusvis conditionis hominibus pleni sunt, in quibus plures fame, pœdore, et alijs incommotis oppressi obierunt.
- B. Variè in catholicos passim animadvertitur. Aliquit ferreis aciculis sub manuum, peduq; unguibus infixis torquentur.
- C. Alij inaudito quodam tormenti genere, quo corpus uarijs catenis in unum ueluti globum redigitur diuexantur.
- D. Alij pelle ursina induti canibus exponuntur.
- E. Alij uirgis per plateas cæduntur.
- F. Alijs candenti ferro aures aduruntur.
- G. Ad carceres uerò Sacerdotes aliquando Sacris uestibus induti, aut auersi equis impositi publicè ducuntur.



Quod S. Romanæ Ecclesiæ fidem tenerent, ac prædicarent in Anglia multi Sacerdotes, et laici, hoc mortis genere occisi sunt anno 1582. is 83. Inter quos hi fuerunt Sacerdotes, Ioannes Shertus, Lucas Kirbeius, et Gulielmus Hartus, huius R^o Collegij alumni. Robertus, et Laurentius Ionsoni, Gulielmus filbeius, Kircmannus, Threlkelus, et Hudsonus Collegij Rhemensis alumni. Thomas Cottamus, Ioannes Paynus, Thomas fordus, Gulielmus lacijs. Complures etiam in singulis Regni prouincijs iam condemnati, talem mortem in horas expectant.



A. Gregorius XIII. Pont. Max. huius Anglorum Collegij fundator, ac parens optimus Alumnos suos Christo commendat: ut, quos in Angliam ad fidei defensionem mittit, aduersus hostium insidias, atq; tormenta diuina uirtute confirmet: qua freti iam aliquot pro Catholica Romana ecclesia fortiter occubuerunt.

B. Philippus Boncompagnus S. R. E. presb. Card. tit. S. Sixti eiusdem Pont. Fr. Fil. Collegij Protector, et Benefactor munificentiss. idē à Deo precatur.

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

1968
1969
1970
1971
1972
1973
1974
1975
1976
1977
1978
1979
1980
1981
1982
1983
1984
1985
1986
1987
1988
1989
1990
1991
1992
1993
1994
1995
1996
1997
1998
1999
2000
2001
2002
2003
2004
2005
2006
2007
2008
2009
2010
2011
2012
2013
2014
2015
2016
2017
2018
2019
2020
2021
2022
2023
2024
2025

N. 41.

STANDARD TEMPESTA INCISE

pecial 94-B
3567

